



Na osnovu Zakona o srednjem obrazovanju ("Službene novine Kantona Sarajevo" br. 11/98 i 9/2000), i člana 18 Pravilnika o praćenju, vrednovanju i ocjenjivanju učenika osnovnih i srednjih škola Kantona Sarajevo donosim

KRITERIJE O IZBORU UČENIKA GENERACIJE SREDNJE ŠKOLE

I OPĆE ODREDBE

Član 1.

Ovim Kriterijima propisuje se način izbora Učenika generacije završnih razreda srednje škole u Kantonu Sarajevo.

Član 2.

Učenicom generacije može postati onaj kandidat koji ispunjava slijedeće uvjete:

1. da je u toku školovanja imao odličan uspjeh u svim razredima
2. da je u toku školovanja imao primjerno vladanje;
3. da se u toku školovanja isticao u radu sekcija slobodnih aktivnosti;
4. da je učenik škole u kojoj je kandidat za Učenika generacije najmanje 3 posljednje godine školovanja za kandidate koji se školuju u okviru četvrtog stepena stručne spreme, odnosno najmanje 2 posljednje godine školovanja za kandidate koji se školuju u okviru trećeg stepena stručne spreme.

Srednje škole koje obrazuju učenike u okviru trećeg i četvrtog stepena stručne spreme biraju posebno učenika generacije za svaki stepen stručne spreme.

Član 3.

Prilikom vrednovanja za izbor Učenika generacije u obzir se uzimaju rezultati u radu registrovanih sekcija u školi, takmičenja u znanju i stvaralaštvu iz pojedinih predmeta i osvajanja nagrada na pojedinim takmičenjima, zatim učešće i osvajanje nagrada na raznim konkursima likovnog, muzičkog, jezičkog i tehničkog stvaralaštva te raznim sportskim aktivnostima provedenim u organizaciji matične škole, Prosvjetno-pedagoškog zavoda Ministarstva obrazovanja, nauke i informisanja, Federalnog ministarstva obrazovanja, nauke, kulture i sporta, te evropskih i svjetskih asocijacija koje se bave pitanjem odgoja i obrazovanja.

Član 4.

Elementi koji se vrednuju pri rangiranju kandidata za Učenika generacije su:

ELEMENTI	Maksimalan broj bodova za učenike IV stepena	Maksimalan broj bodova za učenike III stepena
1. Uspjeh u učenju tokom školovanja	100	99,90
2. Aktivnosti i doprinos u radu sekcija škole	40	39,96
3. Uspjeh na takmičenjima u znanju iz pojedinih predmeta	96	96,00
4. Uspjeh na konkursima, revijama, smotrama, izložbama i sl.	84	84,00
5. Uspjeh u sportu	50	50,00
6. Rukovođenje odjeljenskom zajednicom	24	24,00
7. Mišljenje Nastavničkog vijeća škole	20	20,00
UKUPNO	414	413,86

Član 5.

Pravo da bude izabran ima svaki učenik - kandidat završnog razreda koji ispunjava uvjete iz čl. 2. i 3. ovih Kriterija, prijavljivanjem na Oglas kojeg raspisuje matična škola.

II. NAČIN VREDNOVANJA AKTIVNOSTI

Član 6.

Aktivnosti iz čl. 2., 3. i 4. ovih Kriterija vrednuju se na slijedeći način :

1. Za kandidate koji se obrazuju u okviru IV stepena stručne spreme, suma prosječnih ocjena (zaokruženih na dvije decimale) na kraju svake školske odnosno nastavne godine za završni razred pomnožena sa koeficijentom 5.

Za kandidate koji se obrazuju u okviru III stepena stručne spreme, suma prosječnih ocjena (zaokruženih na dvije decimale) na kraju svake školske odnosno nastavne godine za završni razred pomnožena sa koeficijentom 6,66.

Napomena: Ukoliko je kandidat za Učenika generacije neki od razreda završio u inostranstvu i nema izvedenu ocjenu opšteg uspjeha ili nema pojedinačnih ocjena za nastavne predmete u nekom od tih razreda, onda se umjesto prosječne ocjene uspjeha u tim razredima uzima prosječna ocjena izvedena za sve razrede u kojima su definisane te ocjene, odnosno u kojima je moguće izvesti prosječnu ocjenu općeg uspjeha zaokruženu na dvije decimale.

2. Za kandidate koji se obrazuju u okviru IV stepena stručne spreme za svaku godinu rada u sekcijama slobodnih aktivnosti na osnovu vođene evidencije kandidat po sekciji u svakom razredu dobije 5 boda, pri čemu se boduju maksimalno dvije sekcije po razredu.

Za kandidate koji se obrazuju u okviru III stepena stručne spreme za svaku godinu rada u sekcijama slobodnih aktivnosti na osnovu vođene evidencije kandidat po sekciji u svakom razredu dobije 6,66 bodova, pri čemu se boduju maksimalno dvije sekcije po razredu.

3. Za učešće i osvojeno mjesto na školskom, opšinskom, kantonalnom, federalnom, državnom takmičenju, školskoj olimpijadi, evropskom i svjetskom takmičenju u znanju iz pojedinih predmeta kandidat može dobiti slijedeći broj bodova:

	Nivo takmičenja	Broj bodova			
		I mjesto	II mjesto	III mjesto	Učešće
A	Školsko takmičenje	3	2	1	0,5
B	Općinsko takmičenje	4	3	2	1
C	Kantonalno takmičenje	5	4	3	2
D	Federalno takmičenje	6	5	4	3
E	Državno takmičenje	7	6	5	4
F	Olimpijade znanja, evropska i svjetska takmičenja	9	8	7	6

Ukoliko se održava samo ekipno takmičenje, kandidatu koji je bio član te ekipe pripada 30% bodova od bodova predviđenih za pojedinačni plasman.

Maksimalan broj bodova koji se može dodijeliti kandidatu po ovom osnovu je 96.

4. Za osvojeno mjesto na konkursima likovnog, jezičkog, dramskog, recitatorskog, literarnog i tehničkog stvaralaštva – revije, izložbe, smotre i slične manifestacije:

	Nivo takmičenja	Broj bodova			
		I mjesto	II mjesto	III mjesto	Učešće
A	Školsko takmičenje	3	2	1	0,5
B	Općinsko takmičenje	4	3	2	1
C	Kantonalno takmičenje	5	4	3	2
D	Federalno takmičenje	6	5	4	3
E	Državno takmičenje	7	6	5	4
F	Olimpijade, evropska i svjetska takmičenja	9	8	7	6

Kandidati za učenika generacije u **srednjim umjetničkim školama** koji su izveli samostalni koncert ili organizovali samostalnu izložbu na odgovarajućem nivou iz

pregleda datog u stavu 1. ovog člana, dobijaju broj bodova koji je predviđen za prvo mjesto na odgovarajućem nivou takmičenja.

Ukoliko se održava samo ekipno takmičenje, kandidatu koji je bio član te ekipe pripada 20% bodova od bodova predviđenih za pojedinačni plasman.

Napomena: Kod tehničkog stvaralaštva se boduje jedno priznanje i to ono koje nosi više bodova na smotri.

Maksimalan broj bodova koji se može dodijeliti kandidatu po ovom osnovu je 84.

5. Za uspjeh u sportskim takmičenjima:

	Nivo takmičenja	Broj bodova			
		I mjesto	II mjesto	III mjesto	Učešće
A	Školsko takmičenje	3	2	1	0,5
B	Općinsko takmičenje	4	3	2	1
C	Kantonalno takmičenje	5	4	3	2
D	Federalno takmičenje	6	5	4	3
E	Državno takmičenje	7	6	5	4
F	Olimpijade, evropska i svjetska takmičenja	9	8	7	6

Ukoliko se održava samo ekipno takmičenje, kandidatu koji je bio član te ekipe pripada 20% bodova od bodova predviđenih za pojedinačni plasman.

Maksimalan broj bodova koji se može dodijeliti kandidatu po ovom osnovu je 50.

6. Za kandidate koji se obrazuju u okviru IV stepena stručne spreme za svaku godinu rukovođenja odjeljenskom zajednicom kandidatu pripadaju po 6 bodova.

Za kandidate koji se obrazuju u okviru III stepena stručne spreme za svaku godinu rukovođenja odjeljenskom zajednicom kandidatu pripadaju po 8 bodova.

7. Tajnim glasanjem Nastavničko vijeće škole daje svoj glas za Učenika generacije s tim što onaj učenik koji dobije najveći broj glasova Nastavničkog vijeća dobija 20 bodova, drugi po broju glasova 15 bodova, a treći 10 bodova.

III. IZBOR UČENIKA GENERACIJE

Član 7.

Paralelne srednje škole (muzička škola) i specijalne srednje škole izbor Učenika generacije mogu vršiti na osnovu dodatnih kriterija, regulisanih svojim normativnim aktom, u skladu s ovim Kriterijima.

Učenik koji je stekao uslove za proglašavanje učenika generacije u paralelnoj i matičnoj srednjoj školi u isto vrijeme, može određene prinadležnosti (eventualne novčane nagrade i druga priznanja) ostvariti samo u jednoj školi i to, u pravilu, u matičnoj školi.

U ovom slučaju odgovarajuće prinadležnosti i druga priznanja u drugoj školi koristi učenik koji je drugi na rang listi za učenika generacije.

Učenik iz stava 2. ovog člana od druge škole dobija posebno priznanje.

Član 8.

Praćenje, prikupljanje prijedloga i sumiranje rezultata u školi vrši Komisija za izbor učenika generacije.

Komisiju iz prethodnog stava imenuje Nastavničko vijeće škole.

Član 9.

Komisiju sačinjava pet članova: pedagog-psiholog škole koji je ujedno i predsjednik komisije, dva nastavnika, predstavnik roditelja kojeg predlaže Savjet roditelja i jedan učenik kojeg predloži Vijeće učenika škole.

Za člana komisije ne mogu biti birani: odjeljenjske starješine završnih razreda, roditelj čije je dijete kandidat za Učenika generacije i učenici završnih razreda.

Član 10.

Po prikupljenim podacima i provjeri istih, pristupa se bodovanju. Na osnovu broja bodova Komisija sastavlja rang listu i oglašava je.

Ukoliko dva ili više kandidata imaju jednak broj bodova, prednost ima učenik koji ima veći broj bodova za uspjeh u učenju. Ukoliko i po ovom osnovu učenici imaju jednak broj bodova, prednost ima onaj učenik koji ima veći broj bodova za uspjeh na takmičenjima. Ukoliko i po ovom osnovu dva ili više učenika imaju jednak broj bodova prednost ima onaj učenik koji ima veći broj bodova po osnovu uspjeha na konkursima, revijama, smotrama i slično. Ukoliko i po ovom osnovu dva ili više učenika imaju jednak broj bodova prednost ima onaj učenik koji ima veći broj bodova po osnovu uspjeha u sportu. Ukoliko i po ovom osnovu dva ili više učenika imaju jednak broj bodova prednost ima onaj učenik koji ima veći broj bodova na osnovu ocjene nastavničkog vijeća.

Član 11.

Komisija o svom radu vodi zapisnik i dostavlja ga vijeću učenika na razmatranje.

Član 12.

Nastavničko vijeće škole razmatra prijedlog Komisije i eventualne primjedbe vijeća učenika i kandidata za Učenika generacije i donosi odluku o izboru Učenika generacije škole.

Član 13.

Prigovor ili žalba na odluku Nastavničkog vijeća podnosi se Upravnom odboru škole u roku od 3 dana nakon proglašenja Učenika generacije.

Odluka Upravnog odbora je konačna.

Član 14.

Rok za proglašenje Učenika generacije je kraj nastavne godine.

Član 15.

Škole su dužne da dostave do 10. juna odluku o proglašenju Učenika generacije, biografiju i fotografiju Učenika generacije Ministarstvu obrazovanja nauke i informisanja Kantona Sarajevo - Prosvjetno-pedagoškom zavodu.

Proglašenje Učenika generacije odgojno-obrazovnih ustanova Kantona Sarajevo vrši se do kraja juna tekuće godine.

Grad Sarajevo ili drugi zainteresirani subjekti mogu da za Učenika generacije organizuju odgovarajuće manifestacije i osiguraju sredstva za nagrade i organizovanje manifestacije.

Pokrovitelj centralne manifestacije je Ministarstvo obrazovanja, nauke i informisanja Kantona Sarajevo, a organizator Prosvjetno-pedagoški zavod.

Član 16.

Učenik generacije se proglašava javno.

Član 17.

Učenik generacije dobija posebnu diplomu "Učenik generacije" koja je sastavni dio ovih kriterija.

U skladu sa materijalnim mogućnostima Ministarstva, grada, općine, škole i drugih zainteresiranih, učenicima generacije se mogu dodijeliti novčane nagrade i odgovarajući pokloni.

IV. PRIJELAZNE I ZAVRŠNE ODREDBE

Član 18.

Izmjene i dopune ovih Kriterija donose se na način i po postupku po kojima su i doneseni ovi Kriteriji.

Član 19.

Kriteriji stupaju na snagu danom donošenja.

Broj: 11-01-38-7833/2002

Datum: 03.04.2002. godine

MINISTAR

Esma Hadžagić, prof.



Na osnovu Zakona o srednjem obrazovanju ("Službene novine Kantona Sarajevo" br. 11/98 i 9/2000), člana 18 Pravilnika o praćenju, vrednovanju i ocjenjivanju učenika osnovnih i srednjih škola Kantona Sarajevo i člana 18. Kriterija o izboru učenika generacije srednje škole donosim

**IZMJENU I DOPUNU
KRITERIJA O IZBORU UČENIKA GENERACIJE SREDNJE ŠKOLE**

I

U Kriterijima o izboru učenika generacije srednje škole Broj: 11-01-38-7833/2002. u Članu 2. Tačka 4. se mijenja i glasi:

"4. Da je učenik škole u kojoj je kandidat za Učenika generacije najmanje 3 godine školovanja za kandidate koji se školuju u okviru četvrtog stepena stručne spreme, odnosno najmanje 2 godine školovanja za kandidate koji se školuju u okviru trećeg stepena stručne spreme."

II

Izmjene i dopune Kriterija o izboru učenika generacije srednje škole stupaju na snagu danom donošenja.

Broj: 11-01-38-7833-1/2002

Datum: 07.05.2002. godine

MINISTAR

Esma Hadžagić, prof.

Obrazloženje:

Na prijedlog Savjeta direktora srednjih škola 03.04.2002. godine donijela sam Kriterije o izboru učenika generacije srednje škole koji su dostavljeni svim srednjim školama Kantona Sarajevo. Nakon konkretne primjene Kriterija nekoliko škola mi se obratilo i iskazalo mišljenje da je u ovakvom karakterističnom vremenu promjene mjesta prebivališta pa time i škole, prestrog kriterij da za učenika generacije mogu konkurisati samo uni učenici koji su najmanje posljednje tri, odnosno dvije godine proveli u četverogodišnjoj, odnosno trogodišnjoj školi u kojoj su se zatekli u završnom razredu. To se posebno odnosilo na istaknute učenike koji su se kao stipendisti školovali jednu godinu u inostranstvu. Cijeneći navedena mišljenja i prijedloge donijela sam odluku kao u dispozitivu.



Na osnovu Zakona o srednjem obrazovanju ("Službene novine Kantona Sarajevo" br. 11/98, 9/2000 i 18/2002), člana 18 Pravilnika o praćenju, vrednovanju i ocjenjivanju učenika osnovnih i srednjih škola Kantona Sarajevo i člana 18. Kriterija o izboru učenika generacije srednje škole donosim

IZMJENU I DOPUNU KRITERIJA O IZBORU UČENIKA GENERACIJE SREDNJE ŠKOLE

Član 1.

U Kriterijima o izboru učenika generacije srednje škole Broj: 11-01-38-7833/2002. u Članu 2. Tačka 4. se briše.

Član 2.

U Članu 3. iza stava 1. dodaju se dva nova stava koji glase:

"U cilju jednoobraznog pristupa, Prosvjetno-pedagoški zavod će svim srednjim školama blagovremeno, a najkasnije do 15 aprila tekuće školske godine, dostaviti ažuriran spisak takmičenja koji će se u skladu sa stavom 1. vrednovati u toj školskoj godini.

U slučaju da se na spisku iz stava 2. ne nalaze neko takmičenje koja se po mišljenju škole, učenika, roditelja i drugih treba vrednovati, konačan sud po zahtjevu o tom takmičenju donosi Prosvjetno pedagoški zavod kome se i upućuje eventualni zahtjev."

Član 3.

Član 4. Kriterija se mijenja i glasi:

"Elementi koji se vrednuju pri rangiranju kandidata za Učenika generacije su:

ELEMENTI	Maksimalan broj bodova za učenike IV stepena	Maksimalan broj bodova za učenike III stepena
1. Uspjeh u učenju tokom školovanja	100	99,90
2. Aktivnosti i doprinos u radu sekcija škole	40	39,96
3. Uspjeh na takmičenjima u znanju iz pojedinih predmeta	96	96,00
4. Uspjeh na konkursima, revijama, smotrama, izložbama i sl.	84	84,00
5. Uspjeh u sportu	50	50,00
6. Rukovođenje odjeljenskom zajednicom	6	6,00
7. Mišljenje Nastavničkog vijeća škole	20	20,00
UKUPNO	396	395,86

Član 4.

U članu 6. u Tački 5. iza tabele sa brojem bodova unosi se tekst koji glasi:

“Ako je kandidat za učenika generacije osvojio jedno od prva tri mjesta na takmičenju u organizaciji sportskih klubova, po osnovu tih rezultata pripada mu 50% od broja bodova utvrđenih za odgovarajući nivo takmičenja u prethodnoj tabeli.

Član 5.

U članu 6. Tačka 6. se mijenja i glasi:

“**6.** Za kandidate koji se obrazuju u okviru IV stepena stručne spreme za svaku godinu rukovođenja odjeljenskom zajednicom kandidatu pripadaju po 1,5 bod.

Za kandidate koji se obrazuju u okviru III stepena stručne spreme za svaku godinu rukovođenja odjeljenskom zajednicom kandidatu pripadaju po 2 boda.”

Član 6.

U članu 6. Tačka 7. se mijenja i glasi:

“**7.** Nastavničko vijeće tajnim glasanjem kandidatima za učenika generacije dodjeljuje

A

broj bodova po osnovu formule: $\frac{A}{B} \times 20$; pri čemu je

B

A- broj glasova koji je učenik dobio

B- ukupan broj članova Nastavničkog vijeća koji su učestvovali u glasanju.

Član 7.

Izmjene i dopune Kriterija o izboru učenika generacije srednje škole stupaju na snagu danom donošenja.

Broj: 11-01-38-7833-2/2003

Datum: 10.04.2003. godine

MINISTAR

Doc.dr. Emir Turkušić

Obrazloženje:

U toku primjene Kriterija o izboru učenika generacije srednje škole, prema prijedlogu određenog broja škola, učenika, roditelja i drugih asocijacija, pojavila se potreba da se navedeni akt inovira i prilagodi realnoj situaciji ovog vremena. Značajan broj prijedloga je u vezi sa poboljšanjem rješenja iz Kriterija.

Sve prijedloge smo sistematizirali i obavili stručnu raspravu u Prosvjetno-pedagoškom zavodu.

Obavljena je elaboracija svih prijedloga i u tom smislu su mi predložena odgovarajuća rješenja.

Na osnovu navedenog sam donio izmjene i dopune Pravilnika kako je to dato u dispozitivu.

1. U Kriterijima o izboru učenika generacije srednje škole Broj: 11-01-38-7833/2002. u Članu 2. (na čemu se najviše insistiralo) Tačka 4. se briše, iz praktičnih razloga koji su proistekli iz realne situacije koja je u posljednjih nekoliko godina prisutna u Kantonu Sarajevo, a odnosi se na česte promjene mjesta boravka velikog broja roditelja, a time i učenika što rezultira i promjenom škole, te je uslov iz tačke 4. dovodio jedan broj kandidata u neravnopravan položaj.

2. Član 3. Kriterija je dopunjen novim stavom kojim se praktičnije i preciznije rješava pitanje koja takmičenja i manifestacije treba vrednovati, naime ponekad se pojavljuju takmičenja i manifestacije koje nemaju tradicionalan karakter, a zavređuju vrednovanje rezultata postignutih na njima. Ovo uveliko olakšava posao školskim komisijama i nastavničkom vijeću u svakom konkretnom slučaju. Ukoliko se neko takmičenje ili manifestaciju ne nalazi se na navedenom spisku Prosvjetno-pedagoškog zavoda, a škola, učenik, roditelj ili organizator tog takmičenja ili manifestacije smatra da bi se trebali vrednovati rezultati postignuti na tim takmičenjima, odnosno manifestacijama, može uputiti zahtjev Prosvjetno pedagoškom zavodu koji je ovlašten da o tome da konačan sud.

3. Izmjene u članu 4. Kriterija se odnose na usklađivanje broja bodova u skladu sa izmjenama Tačke 6. Člana 6. Kriterija.

4. Dopuna Tačke 5. Člana 6. Kriterija kojom je utvrđeno bodovanje kandidata po osnovu rezultata u sportu u organizaciji klubova je uslijedila na osnovu velikog broja sugestija koje su išle u ovom pravcu.

5. Izmjena Tačke 6. člana 6. Kriterija kojom je smanjen broj bodova koje kandidat dobije za rukovođenje odjeljskom zajednicom je uslijedila na osnovu velikog broja sugestija od strane škola koje su iskustveno smatrale da bi trebalo ovu aktivnost kandidata vrednovati sa znatno manjim brojem bodova.

6. Izmjenom Tačke 7. člana 6. Kriterija, zadržan je maksimalan broj bodova (20) koje kandidat može dobiti od nastavničkog vijeća škole po osnovu tajnog glasanja, ali su svi kandidati za učenika generacije koji dobiju određen broj glasova nastavničkog vijeća na ovaj način dovedeni u ravnopravan položaj, što prethodnim rješenjem nije bio slučaj, jer su pravo na bodove imala samo tri kandidata sa najviše brojem dobijenih glasova. Pored toga na ovaj način se vrednuje svaki glas člana nastavničkog vijeća odgovarajućim brojem bodova dobijenih po navedenoj formuli.